



www.BibleForChildren.org



Aba Vatowo 6




E ame moe kina Nowayana
tetelina. Tetelayana ame
nakae: Nowa Yaubada nuwona
ana tayamo o kada tomota
liliudi yaidi goi tauyana anetava
geya ana pikwanamo.




Tauyana iiketoiya nakae
Yaubada iuyaone. Tuwo da
poyapoyayadi kina Yaubada
igitedi, e moitamo bogina
sigoyo toina unana poyapoyayana
goi kaga liliuna maa yawoidi
idi sinapu bogina


sikaigoyaidi.




Tuwo Yaubada Nowa ilatuwoko idigo
kana, 'Bogina alovina bego kaga liliuna
maa yawoidi bei amtulidi unana tauyadi
pasidi poyapoya aigoyo goi ikayaoda,
tauna kunōve. Tauyadi
poyapoya taiyao bei abugoyaidi.



Kom kūna alova dedevidi kutalāidi,
kumēdi, dedeoga tayamo gagaina kuyōwo
kom manum. Kuyowo ikavava, sinaena
kuvabodāupe go, sinaena be
nakae toluye kubwadēdi.




Ego dedeogayana ana yówana ame nakae: Ana mamanao ova ana badabada nainti (90). Ana papaeva ovayawou ovanima. Go ana tukotuko ovanima ovavasi.



Go kom sem kūna awoinu
tamo tamo maniyedi
kukabādi kumēdi
dedeogayana goi kudodōidi.
Moe kom mam bodao avami
be nakae yoguyogu be
mánuwo avadi.'



Ame nakae kuguinūwe: Kaga liliuna neta maa yawoidi
tamo tamo ituli ituli aiyuwo aiyuwo, bolamo tayamo,
bovavina tayamo dedeogayana goi kudodōidi bei
kuyavedi maa yawoidi sikaaiyaka
kom taiyao.




Yoguyogu taagonaidi ituli ituli tamo
tamo bolamo ainima aiyuwo be
bovavina ainima aiyuwo
dedeogayana goi kudodōidi.




Yoguyogu vaatabudi ituli ituli tamo tamo
bolamo tayamo be bovavina
tayamo dedeogayana goi
kudodōidi.






Tuwo moitamo
kidi Nowa ma natunao be
monena be nakae natunao
monediyao taiyao dedeogayana
goi sisowoya mluwa pasina.



A simple line drawing of a building's side wall. The wall is composed of several parallel horizontal lines. A rectangular window is positioned on the wall, also defined by parallel horizontal lines. The drawing is minimalist and uses only black outlines on a white background.

E Nowa ana tala sikisi
andedi (600) goi be
tukówana aiyuwoina be
maliyalina seventin (17) goi moe
isowóduwo. Amo maliyalinayana goi
doelu liliudi iuwoosidi bwae gagaina
poyapoya sinaena goi sikaubobóbwala
be nakae yábana ikatupáeva, . . .





... e kúwana
gagaina isou ima
poyapoya goi maliyalina
poti (40) be nakae sabamgo poti (40).



Bwae ivakaigaga nakae poyapoya
ana madabokina ilatao go,
dedeogayana bwae yatana goi
idoidoiye.




Tuwaina bwaeyana itukotuko ana kadókana koya
gagaidi liliudi poyapoya ana madabokina goi nakae
ilataoidi. Kaga liliuuna poyapoya goi sikaaiyaka maa
yawoidi, e sikámasa.




E Yaubada Nowa, woiwoi liliudi be
yoguyogu liliudi inuwaisidi kidi
dedeoga gagaina goi sikaaiyaka.
Tuwo yágira ietune itowo, tauna
bwa*e* iyá*p*asa, e isousou.



E maliyalina ana badabada 40 mlidi Nowa
dedeogayana ana windo




ikatupáeve, boyoboyo
tayamo ikabi, ietune ina. E
bunabuna tayamo ikabi,
windo goi ikaiyovae ina bei
iyagoi bwaē poyapoya goi
bogina iyápaša gea geya.



Niga tukówana aiyuwoina maliyalina tuwentiseven
(27) goi poyapoya ana madabokina bogina isayasaya.
E Yaubada Nowa ilatuwoko, idigo kana,
'Nowa, kom ma natumowo,
monem be natumowo
monediyao dedeoga
gagaina goi
kosōu.




E Nowa dídiya ikaudakodako,
ana wowoina manuna.
Iwodugu ikavava,
yoguyogu taagonaidi
ituli ituli be mánuwo
taagonaidi ituli ituli
maniyedi ikabidi, aba
kasalayana yatana goi
ikailagasidi igabudi
ivakasavedi.



Moe ina vininabeso
ikasale Yauwe yaina.






Tuwaina Yaubada
kana, 'Guna bei
ikaiyako vata komi
be tubumiyao be
nakae kaga liliuna maa
yawoidi yaimi go, ana kaba
kinana avinimi.

Aba kinanayana ame
nakae: Guna kiyala
gaota goi bogina
ayato. Moe aba kinana
komi be kaga liliuna maa
yawoidi poyapoya goi
bogina akanasiukoimi.






Tuta tamo tamo
gaota yábana goi
akaiwoduvedi go,
kiyalayana nakae
gaota goi isowóduwo,
e guna kanasíuna komi be
nakae kaga liliuna maa


yawoidi yaimi goi bei
anuwokavate. Tauna
geya tayaamo tuta
tuwaina bei mluwa
gagaina idau be nakae
mluwa goi kaga liliuna
maa yawoidi
asamatedi.



E Yaubada Nowa ma
natunao idigo kana, 'Komi
kosusāila gagaina bei tubumiyao
taiyao poyapoya kovakayaodei. E
Nowa natunao koroto dedeoga
goi sisou moe Semi, Em,
Diyepeta.



Em natuna koroto
yoina Kenani. Ame tauyadi adi
taito moe Nowa natunaoyadi go,
tauyadi yaidi nava tomota
liliudi bei sisowóduwo, e
poyapoya ana madabokina
goi sisapa.



Ame moitamo. Yaubada
imatakoiyeda ame nakae: Natuna
kaakesaina ikasale bego avatau neta
inumise, bei geya ikamasete, go
sem maa yawoina vata.



Roma 3:23 Madabokiida, Diyuu be Totuyoyowo, bogina tagoyo, e Yaubada ana tomoeeyalina tapoikiki bego yaida goi itakanukanunu go, geya itoboinedeta.

Roma 6:23 Moe moitamo. Goyo ana katumapu moe ámasa go, Yaubada ina yabobona iviniibesoida moe yawoida vata ida spwagógana ida Tomoya Yeisu taiyao pasina.

Iberiu 9:27 Kita tomota liliuda ada lovina ikaaiyaka bego sivatayamo bei takámasa namlieta takínona ana tuta.

Epeso 2:8,9 Moitamo. Yaubada ina kanuwóiya goi bogina iyaveda numisa pasina go, yavayana unana moe geya kita toinida ida guinuwa goi geya. Moe Yaubada ina yabobona goi. Geya ida guinuwa goi geya, govila bei tagágasa.



Roma 10:9,10 bego neta sopada goi takatomoyae kina Tomoya be nakae ateda goi tanumisa bego Yaubada tokámasa yaidi goi ikaitáoe, e ada yava bei tababane. Moitamo. Ateda goi tanumisa, tauna kita Yaubada matana goi kiboobosida. E sopada goi Yeisu takatomoyae bego Tauyana Tomoya, e bei ada yava tababane.

Iyoni 3:16,17 Ame moitamo. Yaubada imatakoiyeda ame nakae: Natuna kaakesaina ikasale bego avatau neta inumise, bei geya ikamaseta, go sem maa yawoina vata. Moitamo. Yaubada Natuna ietune ima poyapoya ame goi geya kada bego da poyapoya itakinoida toogoyoida ida goyo pasidi geya, go sem bego Natunayana goi iyaveda.



1 Iyoni 5:11-13 Ina talavaitayana ame nakae: Yaubada yawoida vata bogina ivinida go, yawoida vatayana ida Natuna taiyao pasina tababane. Avatauwa neta Yaubada Natuna taiyao siispwagógana, maa yawoidi vau. Go avatauwa neta Yaubada Natuna taiyao geya sispwagogoneta, e geya yawoidimo. Ame livalayadi bogina aginidi siwo yaimi bego komi Yaubada Natuna ana tonumisayao bei koyagoi bego bogina maa yawoimi vata.



Aba Vatowo 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Gumawana Bible (gvs) © 2019, Wycliffe Bible
Translators, Inc. All rights reserved.

<https://www.bible.com/bible/3576/MAT.1>

©2026 Bible for Children, Inc.

www.M1914.org

www.bibleforchildren.org

